

北洋官報

目錄

宮門抄 上諭
 奏議 ○督辦鹽政處奏酌擬章程摺 △直督奏永定等河
 歲修經費摺 △又奏辦理滙差務片 △又奏據員充協
 統片 △順天府奏籌設簡易識字學堂摺
 摺片八則
 公牘 ○督憲札 一件 △學司詳 一件 △津海關道詳 一件
 △又札 一件
 文告 五則 △製輔四則 △各省五則 △各國八則
 彙編 ○憲政編查館奏定府廳州縣自治章程
 已酉官報目錄
 圖畫 ○日本庫兵縣播州舞子鐵道圖

本 報 今 日 加 印 照 片 一 頁

本 局 第 一 百 二 十 七 期 法 政 學 報 已 出

本 日 增 刊 己 酉 官 報 目 錄 一 頁

宮門抄

正月二十八日 理藩部 廂藍旗值日 櫛貝子假滿請 安 恩志假滿請 訓 克公

續假二十日 召見軍機 洵貝勒陸軍部胡思敬各遞封奏一件

上 諭

正月二十八日 軍機大臣欽奉

諭旨陸軍部奏遵設憲政籌備處並陳明分期籌備大概情形一摺又奏核訂軍備專章宜因時變通一片均著軍
 諮處知道欽此

西歷一千九百十年三月十號 禮拜四 第二千三百五十九册 一

奏議錄要

督辦鹽政處會奏督辦鹽政酌擬章程摺

奏爲遵 旨督辦鹽政酌擬章程繕單恭摺仰祈 聖鑒事宣統元年十一月十九日內閣奉 上諭度支

部奏陳明淮浙鹽務大概情形一摺朕詳加披覽深悉各省鹽務糾轄紛紜疲敝日甚非統一事權修明法令無以提挈大綱維持全局著派貝子銜鎮國公載澤爲督辦鹽政大臣凡鹽務一切事宜統歸該大臣管理以專責成其產鹽省分各督撫本有兼管鹽政之責均著授爲會辦鹽政大臣行鹽省分各督撫於地方疏銷緝私等事考核較近呼應亦靈均著兼會辦鹽政大臣銜該大臣等務當和衷共濟通盤籌畫尤須體恤民艱一切事宜隨時奏明辦理以示朝廷整飭巋綱興利除弊之至意欽此欽遵由臣載澤奏設督辦鹽政處遴員辦理在案竊維鹽務爲賦入大宗近年成法廢弛積弊滋深關繫 國計民生誠非淺鮮臣載澤奉 命督辦鹽政自應恪遵 聖訓以體

恤民艱爲宗旨以統一事權修明法令爲辦法通盤籌畫實力推行以冀興利除弊漸收實效現在改革伊始端緒繁赜必內外有一定之權限而任職者乃各專責成必官司有一定之法規而在事者乃有所遵守臣載澤與臣紹英臣邦瑞一再籌商公同核議謹酌擬督辦鹽政暫行章程三十五條繕具清單恭呈 御覽如蒙 俞允卽

由臣處臣部遵奉施行並行知各省督撫一體遵照經此次奏定章程之後凡各省鹽務一切用人行政事宜均歸臣處專責其關繫款項者責在臣部關繫地方者責在督撫權限既經明定責成各有專歸臣等自當遵守定章勉盡職守以仰副 朝廷整飭巋綱之至意惟各省產鹽區域遼闊疏銷緝私在在均關緊要臣處居中遙制

時有鞭長莫及之虞全賴各疆臣協力維持得以相助爲理應請 旨飭下各省督撫於該省鹽務疏銷緝私各

事宜務遵前奉 諭旨與臣處和衷共濟庶內外相維而鹽務或可漸臻起色矣至運司鹽道等官專管鹽務責

任本無旁貸自應恪遵此次定章遇事稟承臣處切實經理其才具是否稱職辦事是否得力應由臣處隨時考核

以重磋商所有酌擬督辦鹽政章程緣由謹恭摺會陳伏乞
皇上聖鑒再此摺係督辦鹽政處主稿會同度支部辦理合併陳明謹 奏宣統二年正月十六日奉 旨依議
欽此 (章程另錄)

直隸總督陳奏本年永定南北運三河歲修估需銀數摺

聖鑒事案照永定南北運三河每年搶修例應先

奏爲永定南北運三河宣統二年歲修估需銀數恭摺仰祈 行領銀辦料分儲備用其歲修各工飭令該道等勘明確數將應需實用銀數題明請領查永定河因嘉慶六年河水異漲兩岸隄工漫溢之後新添埽段較前多至一倍有餘經 欽差奏明每年歲修埽工增添銀一萬兩其疏

濬中洪下口及石景山歲修石工銀兩仍照舊請領毋庸酌增嗣又因兩岸險工林立原設歲修經費實不敷用經前督臣溫承惠奏請增估添辦物料銀兩於嘉慶十四年十一月二十七日欽奉 上諭加恩增實銀五千兩

以二千兩歸入歲修以三千兩歸入搶修每年隨案估銷仍照例分案赴部請領又三角淀歲修疏濬下口工程經前督臣蔣攸銛奏准於秋汛後查看情形擇其切灘取直實在得力之處量爲疏濬並將兩岸殘缺隄工擇要修補

加培此兩項工程仍不得過歲修五千兩之數又咸豐四年部議變通部庫放款章程內開永定南北運河每年歲修各工減半給領又同治三年奏准永定河應領歲修各項經費照減半之數發給實銀又同治四年准戶部酌議

北運河歲修銀兩按額定工需每千兩撥給實銀三百七十五兩嗣因不敷工用又經咨准戶部議定北運河歲修銀兩自同治十年起每千兩照額發實銀四百兩又同治九年准戶部酌議南運河歲修銀兩自同治十年起照額

定之數每千兩發給實銀三百兩因所增無幾不敷工用復於同治十年經部議覆准照北運河之案自同治十一年起每千兩發給實銀四百兩又同治十二年因永定河所領工需費實不敷用奏准仍照舊額發給經部議准自

同治十二年起照額全數發給實銀又光緒五年因南運河所領工需不敷應用奏請照額發給八成實銀經部議准自光緒五年起照額發給六成實銀又永定河雇夫挑土經費奏請自光緒十年起在於該河應領歲搶修款內

扣存六分減平銀兩照數動用經部議令彙入常年歲搶修案內造報各等因均經轉行遵照在案茲據永定河道呂珮芬詳報永定河歲修各工估需實銀三萬四千兩查宣統元年歲修挑挖中洪疏濬下口工程項下節省銀一

兩二錢八分六釐照數抵用外計需歲修實銀三萬三千九百九十八兩七錢一分四釐其雇夫挑土經費需用減平銀五千六百八十二兩應附案估報又據署天津道洪恩廣詳報南運河歲修草土各工估需實銀九千兩查宣統元年歲修節省銀一兩四錢五分二釐六絲搶修節省銀一兩七錢一分三釐照數抵用外計需歲修實銀八千九百九十六兩八錢三分四釐九毫四絲又據通永道林志道詳報北運河歲修草土各工並筐兒港減河挑淤工程估需實銀七千五百九十八兩三錢五分七釐等情前來臣覆加查核永定南北運三河宣統二年歲修據估各工均不可緩應請准其估辦除飭各該道分別領款及時照估如式興修於大汛前一律趕辦完竣另行核實造報外理合遵照新章恭摺具陳伏乞

皇上聖鑒敕部查照謹 奏宣統二年正月二十三日奉

硃批該部知道欽此

又奏辦理達賴喇嘛差務片

再據前署大興縣知縣唐則瑀前署宛平縣知縣章師程稟稱光緒三十四年九月十一月間奉文辦理達賴喇嘛入京出京需用車輛人夫用過銀兩本應早日造冊請銷祇因宣統元年春間恭辦 西陵大差甫竣均各交卸署任未能及時造報茲將用過車輛人夫銀數分晰造具冊結稟由藩司崔永安覆核該員等承辦達賴喇嘛入

京出京需用車輛駝隻夫役等項計共用庫平銀五千三百七十八兩零尙屬核實已由司庫在於地糧銀內如數發給詳請奏銷前來臣查此項用款晉省係奏明作正開銷直隸自可照辦所有前派總理差務委員候補知府王錫光等辦理達賴喇嘛往返差務統按收支報銷業經前護督臣崔永安專案 奏銷在案今大興宛平兩縣承辦此項車價等銀事同一律除報銷冊咨送度支部查核外理合附片具陳伏乞

聖鑒敕部核銷謹

奏同日奉

硃批該部知道欽此

又奏揀員接充協統片

再陸軍第四鎮步隊第七協統領一差於光緒三十四年經前任督臣楊士驤奏派游擊楊保善署理現查該員身弱多病難期振作自應飭令銷差另揀委員接充查有前充步隊第八協統領補用副將陳光遠兵學素優訓練有方堪以派充步隊第七協統領除飭遵並咨部備案外謹附片陳明伏乞

聖鑒訓示謹

奏同日奉

硃批

陸軍部知道欽此

順天府奏籌設順屬簡易識字學塾辦理情形摺

奏爲籌設順屬簡易識字學塾辦理情形恭摺具陳仰祈 聖鑒事竊准學部咨開遵擬簡易識字學塾一摺於宣統元年十一月二十九日具奏奉 旨依議欽此鈔錄原奏並學塾章程咨行欽遵辦理前來臣等竊維國民程度之進步必以識字人數多寡爲衡各項學堂課程煩重凡貧窶子弟以及年長失學急於謀生之人難概施以完全教育惟簡易識字學塾既不必以科學相繩更無容以程限相迫實與半日半夜等學堂相輔而行舉辦較易爲力順天地居首善爲四方觀化之區亟應切實舉行以樹風聲而謀普及前尹臣於籌備第二屆憲政摺內奏明此項簡易識字學塾擬在京城地面大興宛平兩縣先行籌設以爲各屬之倡一俟學部課本頒行即當通飭各州縣一律遵辦等因在案現時此項課本既由學部編輯通行自應及時籌設以資啓迪臣等擬於京師內外城地面推廣籌設十處分爲附設專設在兩等小學堂簡易小學堂內開辦者爲附設另賃祠廟公所開辦者爲專設其專設地址不使在學堂多數之區宜於附近城廂一帶俾貧寒子弟無奔走入學之勞馴儉農夫獲明理讀書之益所需經費統由臣衙門庫儲項下核實發給以爲提倡至順屬各州縣面積廣博人口夥隨其官立私立各學堂不如京師遠甚非將此項學塾廣爲設施不足以宏教育臣等擬飭令各州縣督飭紳董就地籌款於城鄉鉅鎮每處先行倡設一二所以爲模範均遵照學部奏定章程辦理隨時由臣衙門學務總匯處調查督催務使實力奉行逐漸推廣以期教育普及除咨部查照外所有籌設順屬簡易識字學塾情形理合恭摺具陳伏乞 皇上聖鑒敕部立案施行謹 奏宣統二年正月十一日奉 旨該部知道欽此

 摺片摘要 

魯撫孫寶琦奏上年十一月分雪糧情形摺正月二十六日奉

又奏李厚基等接襲雲騎尉各世職摺同日奉

又奏勘估上年分運河各工銀兩摺同日奉

又奏請將已故總兵王得勝附祀僧格林沁專祠片同日奉

硃批知道了

硃批該部議奏單併發

硃批該部知道

硃批該部議奏

又奏濟甯直州判王錫貞試暑期滿請實授片同日奉

又奏壽張令李之釗病故片同日奉

又奏上年秋季通省出入各册造報等片同日奉

又奏增撥諮議局經費仍請作正開銷片同日奉

又奏查明被參辦理禁煙情形摺同日奉

又奏道員蕭應椿在東集股辦理鹽務請迴避片同日奉

硃批吏部知道

硃批吏部知道

硃批度支部知道

硃批度支部知道

硃批知道了著即認真辦理毋稍疎懈

硃批毋庸迴避

公牘錄要

督憲陳准津浦鐵路大臣電津站路線經過北圩門應拆天桂戲園業主抗不領價電請轉飭

照章遷讓札飭天津縣遵照文

為札飭事准 津浦鐵路大臣漾電內開現據北段總局電稱津站路線經過北圩門應拆民房當由購地局按綫傳知業主領價拆讓均經領照各無異言惟天桂戲園李姓一人故意抗拒實與路工大有阻礙請核辦前來查路綫經過地方所有房屋墳墓均應照章遷讓據稟各情除飭該局派員前往開導無得違抗外應請尊處飭令巡警局并天津縣迅飭該戲園遵章領價拆讓倘敢故違即請飭令停演勒限遷讓以警刁頑而裨路政實紉公誼等因到本督部堂准此應由巡警局天津縣迅飭天桂戲園遵章領價遷讓毋得違抗除分行外合行札飭札到即便查照遵辦報咨此札

學司詳核議易州詳民人張文德慨捐房產以充學費擬仍照章給獎文並批

為詳請事案奉 前護憲台批易州詳民人張文德報効房產傢具充學費請優獎一案蒙批詳摺均悉希提學司核議詳辦此繳等因奉此前據該州運稟業批候示在案茲奉前因查該民人張文德熱心公益慨捐房產亟應嘉

獎以昭激勸惟所報捐項除房產垣牆外其餘稍涉細碎未便破格優獎據該州估計捐項約值京錢四百五十吊

合制錢二百二十五吊擬仍照章獎給六品功牌以昭覈實而歸一律理合遵飭核擬詳請 憲台查核示遵為此

備由具呈伏乞 照詳施行

督憲陳 批如詳辦理茲發去易州民人張文德六品功牌一張仰即查收轉飭給領以昭激勸此繳
天津海關道詳井陘礦務局擬添股本請派員坐辦文並批

爲詳請事宜統元年十二月二十九日准井陘礦務局函稱查井陘礦務合同第六款載明將來股本如不敷用須添股本或由直隸井陘礦務總局與井陘公司各備一半以昭公允或由井陘礦務局借款均須與華洋兩總辦妥商辦理等因是增添股本或借用款項當訂立合同時早已意計及此現查原股共五十萬而中國之二十五萬并非現銀合同成立時有限公司之二十萬兩業已用盡綜計一年以來展築運煤枝路二十餘里大橋一座增添新井機器及庫房材料等除將有限公司成本五萬添入及盈餘七萬墊入外又在銀行用過十三萬餘兩亟應援照合同第六款加添股本以清舊欠而期發達爲此敝華洋總辦等妥商擬從宣統二年起添招股本銀二十五萬兩一半由有限公司承認仍分一半由華總辦名下招集十二萬五千兩合之老股共作全礦股本七十五萬兩至合同第八第九款之第十五五年應還井陘公司洋股之期應改爲原有股本銀三十七萬五千兩以昭核實而免轉囑此外如有來往借款等項統限於立合同十五年內由井陘礦務局自行清還十五年後與中國政府毫無干涉悉照合同第十款辦理查臨城添本亦蒙准行有案井陘事同一律載在合同相應函請貴督辦查照轉詳北洋大臣察核立案實爲公便附送預計用款清摺一扣等因准此查合同第六款固有准其添款之條但該礦究竟何項工程需添款項事前并未商明按照合同應設之華總辦師至今尚未派定平時工料款項既屬漫無稽考驟請添招股本值此諮議局成立之時度支部集權之始必須出以詳慎查臨城添借款項係由前 憲台札飭礦政調查局派委道府大員前往復查方蒙批准井陘事亦相同應否照案飭下礦政調查局遴委熟諳礦政人員馳往調查詳覆再定准駁之處職道未敢擅專理合照錄清摺具文詳請 憲台查核批示祇遵實爲公便

督憲陳 批詳摺均悉仰即會同礦政調查局遴派熟悉礦務人員前往認真詳細查明具覆察奪飭遵繳
天津海關道札飭天津縣議事會租界當商減息一案文 附各領事照覆

爲札飭事案查前據該會具申以各國租界質舖請照會各領事轉飭按照中國當商一律減息等情當經分別照會各領事飭遵去後茲准英法日奧等國領事先後答覆前來合行抄單札飭札到該會即便查照此札 計粘抄

單

照抄英領事照覆(宣統元年十二月十七日到)爲照覆事接准華十二月十三日貴道來文爲紳商劉恩第等稟由議事會申請示諭租界之質舖一律減息照請轉飭界內各當商遵辦見覆等因查本國租界開有當舖二家向收利息均飭按照華界相同俾昭公道此次減息一事自見天津城廂地方出有告示本工部局卽令該當商遵示辦理刻與華界並無兩歧之處茲准前因相應照覆 貴道查照飭知爲荷須至照覆者

照抄法國甘領事照覆(宣統元年十二月十八日到) 爲照覆事華歷十二月十三日准貴道照會內開據天津縣議事會申稱案據日奧義租界紳商劉恩鴻等聯名到會投遞說帖內開懇祈申請樞憲照會英德法日俄義奧等國示諭租界之質舖息歸一律以紓民困云云等情據此除分別照會外相應照會請煩查照轉飭界內各當商遵辦見覆等因准卽訪查去後茲據查明本國租界共有質舖四家其現行當息概與津城之質舖無異不過限期稍短因該商等資本稍輕並非各大當商可比況本國租界無論華洋各商均任自由資本領事向不干涉倫典當之人以租界質舖或有不便之處儘可任便交往津城各質舖典當可也相應照覆貴道請煩查照爲荷須至照會者

照抄日領事覆函(宣統元年十二月二十三日到) 敬覆者接准中歷十二月十三日 貴照內開以據天津縣議事會據日奧義各界紳商稟請援照華界典當章程減輕利息以歸劃一等准此查敵界當舖無多業已轉飭該質舖等按照輕息辦理矣相應函貴道卽請查照爲荷此頌 日祉

照抄奧領事覆函(宣統元年十二月二十日到) 敬啓者華歷本月十三日准貴道照會稱查中國質舖常年利息及租界當商減息各等情准此本領事亦甚注意茲查本界內各當商亦經聽聞減息要與中國地面當商概行一律但本界頭等當商僅有一戶月利三分其二等質舖十二戶月利四分均已勉強按照三分取息業已稟陳生理情形原與頭等當舖不同其頭等當舖質物值十可質五六如質舖質物十可質七八所以凡屬貧民取不值錢之物質當却能多質錢文且質舖資本不大所需借款均在一分利息甚至有一分六七之利息是以質舖本已無利可取焉能與當商一同減取利息並質物之人又非各質舖迫之使來而取其厚利本領事查閱此等情由礙難

干預各質舖之生意因該舖生理原係彼此情願交易所致爲此備函佈覆並附各質舖原稟一扣飭送敬希 貴
道查照爲荷此頌 升祺

文告錄要

督憲批示錄要○礦政調查局詳臨榆縣各密戶延不領照交稅請責成地方官妥辦由 批查臨榆縣屬各煤密
請免領照交稅一案昨據該縣來詳業經批飭該局酌辦在案茲據詳稱核與定案不符已經出示曉諭各密戶
照章遵辦前案應卽毋庸置議並候札飭該縣認真妥辦勿再延忽此繳○又詳擬將永盛行開辦門頭溝礦地
收回轉租招股開辦請咨立案由 批查美商施穆與華商段益三所辦京西門頭溝煤礦私售與英商永盛洋
行接辦 楊前部堂飭據吳道仰曾等查覆英美領事署內均未據稟報有案札飭津海關道究辦至今尙未訊
結該局擬藉該洋商請領礦照之時就此收回仍租與該商添招華股合辦亦是一法惟該礦業主究屬何人有
無糾葛收回需款若干如何籌付礦產若何現在已有華洋股款若干能否合辦仰卽會同津海關道詳細查明
具覆核奪繳○北洋官電局稟密雲添設報房工竣請派員驗收由 批據稟密雲添設報房工竣所用工料是
否堅實候派委候補知縣楊令家淦前往該處按册逐一驗收具覆察核不敷銀兩應俟勘驗後再行飭發歸墊
繳○博野縣袁令澍滋詳巡警馬際雲等請獎由 批據詳已悉仰警務處查明彙案詳奪詳抄發此繳
學台批示○北洋中學肄業長垣縣穆祥仲稟懇送考北洋師範學堂肄業由 批稟悉查北洋師範學堂補習班
係 學部特准開設專取簡易師範二年以上之畢業生補習凡非畢業師範簡易科者不能援以爲例該生具
有中學二年以上程度仰另覓相當之中學堂照轉學章程入堂就學可也○北洋師範理化科畢業豐潤縣陳
之植稟課程未符恭懇另委以重學務由 批據稟已悉永平府中學堂教員遺席應准另派他人接充該生卽
靜候改派可也原札註銷

保定師範學堂牌示○照得投考附屬中學已經報名諸生定於本月二十五日考試國文算術二十六日考試格
致歷史地理屆期每早八點半鐘自携筆墨來堂考試毋得自悞其未報名者展限報名至二十九日截止考試
另有牌示

保定府官立中學堂榜示○爲榜示事照得此次補考所有各科試卷業經評定甲乙茲將取錄各生姓名開列於後須至榜者 計開 朱錫銘 蒼廷選 李新德 董毓蕙 齊國樸 李鶴琴 張鶴齡 齊克明 宋敬修 荆鴻達 楊建邦

保定府官立中學堂牌示○照得本堂此次增設新班業經考試并經補考一次均經先後入堂現據各處學生又有續到投考者數人查本堂新班尚有缺額四名應即再准補考茲定於本月二十七日上午考試國文下午考試算學所有已經報名諸生統限於二十七日以前來堂考試毋悞特示

畿輔近事

官場紀要○督憲札委候補道徐觀察楨祥統捐局會辦差已於前日赴院謝委○北洋師範天津兩級師範高等

工業高等巡警各學堂洋教習十三員均於前日謁見 督憲

札催舉貢領咨投考○盧學台於舉貢領咨一事已有牌示茲又札飭各府廳州云案蒙督憲陳批本司詳送舉貢考職試卷清冊並另册保送法政講習科各舉貢一案蒙批據詳已悉茲辦就咨文一百四十二角隨批發下仰即查收分別轉給領資赴部投考並候先行咨明 禮部查照清冊試卷分別存送此繳等因蒙此查舉貢考職照章於二月到京資咨投考現將屆期倘札發轉給恐該舉貢已離籍反致歧誤爰將咨文存留待領除牌示外合亟札飭札到該口即查照轉飭所屬錄取舉貢並另册錄送法政講習科舉貢等迅速來司領咨以便資赴投考毋稍延誤切切特札

函請推銷織呢事○天津商會接上海商會函稱敬啓者織呢一項爲衣料中最繁之品向均來自外洋漏卮頗鉅曩經諸同人在上海日暉港創設日暉織呢公司購機建廠悉心仿製頗能卓著成效挽回利權所出之呢顏色既極鮮明質地尤極細膩工精料美足與歐美高等呢相頡頏近已銷行漸廣所有本埠暨鄰近各府縣咸向該廠紛紛定購惟念中國幅員廣闊尙難徧及特派屠君振初携帶呢樣躬赴貴處考察情形推廣銷路俾公司營業日臻發達爲吾華工商實業之先導夙仰執事領袖商場熱心公益用敢泐函介紹務祈於屠君趨謁時俯賜接見將軍學商界銷用之呢以何者爲合用推愛指教並希不吝齒芬鼎力揄揚俾該廠聲名洋溢北地尤深企

禱云

官立小學招考學生○保定官立第二兩等小學堂招考學生條例如下 一不收學費 一報名處九聖庵第二兩等小學堂 一報名時自上午八點鐘起至下午四點鐘止 一新班學生自九歲至十一歲略識字義者均可報考以四十名為額撥入初等一二年班 一插班學生自十二歲至十六歲須得有同學堂二三四五年修業文憑者為合格招齊後酌量程度撥入初等第二三四年班 一報名期限自正月二十日起至二月初十日止

各省近事

民 事

巡警道限制土膏店○安徽督辦禁煙公所卞柳門觀察以禁煙一事功令森嚴自應嚴限禁絕惟查省城廬州蕪湖開設土膏店甚多若不予以限量為核併難期禁絕茲擬自本年為始所有省城廬州蕪湖等處凡京廣錢糧雜貨等店代售者統限三個月繳照一律閉歇其專設之土膏店統限六個月歸併核減第一次酌留十分之七第二次酌留十分之四三次一律閉歇以示限制刻已詳奉撫院批准立案矣

蕪湖道接受湖壘關防○安徽蕪湖萬頃湖壘務前由江督張制軍將軍清留守會奏請派蕪湖關道李梅坡觀察兼理不再另委專員並將局廠一律裁撤以節糜費已奉 俞允現前辦壘務李蔭柏觀察當將經手事件料理清楚親詣督轅繳呈關防張制軍乃委張君秉濬資送至蕪由關道驗收接受

後湖開闢馬路動工○湖北漢口後湖開闢馬路業經各地戶籌有的款於去臘二十八日在乙字段張家灣地方開工破土目下招有強壯災民數千人從事建築以符以工代賑原議

實 業

籌設森林公司之計畫○護鄂督楊制軍以鄂境川漢粵漢兩鐵路將來需用枕木甚多現擬官紳合股籌設一大森林公司集基本金六十萬兩以六十金為整股六金為零股官商各半限日成立該公司全係營業性質並不沿襲官督商辦舊習俾認股者少所懷疑已札行勸業道高觀察邀請武漢紳商妥籌開辦細章呈候咨部立案出品協會陳列賽品辦法○廣東出品協會定期逢三六九日會議賽會各事日前總協會議將江督咨文并別館

新增圖式當衆宣佈經定二月初五日將赴賽品物先在八邑會館陳列已電知各府州縣暨行商速將陳列品運到該會俾衆研究本月初九日爲該會第一次會議之期各行商到者極爲踴躍三點鐘開會公推勸業道主席先宣佈開會理由次宣佈會內章程次請會員提議辦法潘君達徵獻議先舉交通幹事分往各行組織俾各行商澈知賽會之利益趕辦貨品衆均贊成隨由舉定潘達徵何劍士陳蓮舫盧竹琴尹笛雲梁佩唐甄錦亭邵晴軒陳勉畬海籌陳瑞人梁崧生易獻柳程瑞堂陳日初郭仙舟張純初何月樵黃澤生陳景南全西宥王邵南胡寶臣尹東昇等以後陸續推舉潘達徵再提議先開小陳列所將交到貨物裝潢俾各行商到會參觀以便仿效並添印章程數十萬張派送及存本會任人取閱

各國新聞

德京反對選舉風潮○路透電云據德京電稱德京人民因反對德國選舉問題在德理布圖園聚集多人提議反對辦法巡警將門封閉以致大起衝突該人民攻擊巡警巡警用手槍并槍刺驅逐受重傷者三十餘人捕去一百餘人

德員定期赴南極探險○路透電云德國中亞探險家福洛士爾氏在德國地學會會議時提議一策擬帶領德國遠徵隊赴南極探險於西十月由威德洛海口啟程以免重履克德氏所探之路

俄相取銷對於猶太人之告示○路透電云俄首相司徒利賓氏前於一千九百零七年所出保護僑居俄國猶太人之告示現在作廢聞有猶太人一千三百八十八戶均失去地方利益之權

英皇由法啓程○路透電云英皇由法國比理斯地方啓程

英國進出口貨物之調查○路透電云英國海關調查西二月進出口貨物均見加增進口貨加增六十九萬零二百十四鎊出口貨加增三百六十六萬七千四百八十鎊此次加增之數以鋼棉絨線等貨爲大宗

德爵擬赴北極探險○柏林電云德國汽艇家塞普林伯爵擬於今年率領汽艇隊赴北極探險

英皇擬晤德奧兩皇○柏林電云英皇擬於今年再遊法國馬蘭巴德地方并與德奧兩皇相會

德皇擬遊地中海○柏林電云德皇擬於今年赴地中海一帶遊歷

第五十四條 府廳州縣長官代表府廳州縣
第五十五條 府廳州縣長官應辦事件如左

一 執行府廳州縣議事會或參事會議決之事件

二 提交議案於府廳州縣議事會或參事會

三 掌管一切公牘文件

四 其餘依據法令屬於府廳州縣長官職權內之事件

第五十六條 府廳州縣議事會或參事會之議決及選舉如有踰越權限或違背法令者該管長官得說明原委事由即行撤銷或將其議決事件交令覆議若仍執前議得撤銷之 若議事會或參事會不服前項之撤銷者得呈請行政審判衙門處理 行政審判衙門未經設立以前暫由各省會議廳處理之

第五十七條 府廳州縣議事會或參事會於府廳州縣之收支爲不適當之議決或議決事件有碍公益者長官得說明原委事由交議事會或參事會覆議 前項覆議事件若議事會或參事會仍執前議長官得呈請督撫核辦

第五十八條 府廳州縣長官得令府廳州縣議事會停止會議其停會日期以十日爲限

第五十九條 府廳州縣長官遇議事會不赴召集或不能成立或遇緊急事件不及召集議事會時得將該事件交參事會代議 議事於應行議決之事件不能議決或閉會期屆尙未議決者亦同

第六十條 府廳州縣長官遇參事會不赴召集或不能成立時得將該事件申請督撫核准施行 參事會於應行議決之事件不能議決者亦同

第六十一條 前兩條事件府廳州縣長官應於下次議事會或參事會開會時分別聲明 議事會或參事會若以長官辦法爲不當者得呈請督撫核辦或行政審判衙門處理

第六十二條 府廳州縣長官提交議案於議事會時應先將該議案交參事會審查若參事會與長官意見不同應將其意見附列議案之後提交議事會

第六十三條 府廳州縣長官得將其職權內事務之一部委任城鎮董事會鄉董鄉佐代行

第二節 自治委員

第六十四條 府廳州縣得置自治委員若干輔佐長官執行自治事宜

第六十五條 自治委員額任期規則由府廳州縣長官擬訂經議事會之議決申請督撫核定並咨報民政部

存案

第六十六條 自治委員之進退該長官掌之自治委員之掌收支及經理公款公產者必須身家殷實操守廉潔非經議事會或參事會之保證不得任用

第六十七條 府廳州縣自治委員承府廳州縣長官之命辦理各該管事宜

第六十八條 府廳州縣長官監督自治委員如有過失得依情節輕重分別處分如左

一 申飭

二 罰薪十日以上兩月以下

三 撤差

第六十九條 凡受前條第三款處分者二年以內不得充府廳州縣自治委員亦不得充府廳州縣議事會員及參事會參事員

第七十條 府廳州縣長官得以議事會之議決申請督撫核准於自治委員外增設臨時委員 其員額任期及

選任規則照第六十五條辦理

第七十一條 府廳州縣辦事細則由該長官定之

第三節 薪水及公費

第七十二條 府廳州縣自治委員及議事會參事會文牘庶務等員之薪水公費經議事會議決由該長官定之

第七十三條 府廳州縣議事會議員參事會參事員及臨時委員均不支薪水但給相當之公費 前項公費數

目及支給規則經議事會議決由該長官申請督撫核定

學部奏請 簡大臣會考法律學堂畢業學員摺

又奏遵擬簡易識字學塾章程摺

又奏譯學館乙級學生畢業循章請獎摺

初六日

學部奏遵議直隸優級師範學堂畢業照章請獎摺

又奏直隸天河師範優級選科畢業照章請獎摺

初七日

資政院奏遵保堪勝祕書長人員請先試署摺

又奏工程重要派員隨同辦理摺

又奏請續撥經費片

初八日

直督陳奏援案籌撥南運河歲搶修銀兩摺

候補四品京堂勞乃宣奏請於簡易識字學塾內附設

簡字一科並變通地方自治選民資格摺

初九日

直督陳奏前任督臣兼管鹽政任內征解各款摺

初十日

法部奏遵議粵東變通弭盜章程摺

十一日

都察院奏酌擬互選詳細規則摺

又奏舉行互選需用經費請 飭部照數籌撥片

署直臬天津道齊耀琳奏報接署臬篆日期摺

十二日

外務部尙書梁敦彥等會同學部奏覈定游學專門人

才摺

學部奏絕學專家懇付國史館立傳摺

十三日

督辦鹽政大臣奏鹽政重要擬請酌調人員摺

會議政務處奏覆東督錫等奏請增設安圖撫松兩縣

員缺摺

度支部奏議覆粵省度支短絀暫免派撥摺

又奏設立雲南分銀行請以主事余晋芳派充總辦片

十四日

禮部奏禮學館辦理情形並詳擬分年辦法摺

農工商部奏廣西監生郭承立獨力籌辦林業照章獎

給商勳摺

十五日

東督錫等奏創辦八旗滿蒙文中學堂摺

十六日

學部奏浙江寧波温州兩府中學堂學生畢業請獎摺

又奏遵議陝西宏道高等學堂學生補習中學畢業請

獎摺

贛撫馮奏籌辦贛省巡警臚陳成績摺

十七日

直督陳奏查明天津審判廳被索各款據實覆陳摺

十八日

法部奏酌擬各級審判檢察廳人員升補輪次片

直督陳奏請以鹽務候補人員承充鹽務差使片

十九日

會議政務處奏議覆督辦川滇邊務大臣奏德格土司

納還全境請改土歸流摺

署歸化城副都統三多奏創辦歸綏財政講習所摺

二十日

會考大臣會同學部奏考試法律學堂畢業學員事竣

摺

二十一日

學部奏擬定京師及各省圖書館通行章程摺

又奏頒布初等小學堂教科書摺

農工商部奏籌設各省漁業公司水產學校摺

二十二日

農工商部奏請就產茶省分設立茶務講習所摺

二十三日

法部會奏遵議匪徒竊毀鐵路要件明定治罪專條承

緝處分摺

二十四日

民政部奏遵章調查第一次人口總數摺

農工商部奏籌設工業試驗所開辦情形摺

二十五日

民政部奏編訂第一次統計表冊摺

公牘類

正月初六日

督憲楊准豫撫咨豫省官硝局請加硝斤價數札飭運

司查照文

獻縣呂令調元稟考驗自治學社畢業生文

初七日

直隸禁煙總局詳請懲辦禁煙不力各州縣文

又詳東鹿縣知縣閻駿業不服查驗擅自離所應否嚴

加懲徵請示遵文

天津縣議事會申關道文


又申天津府文

初八日

督憲楊准 陸軍部咨嗣後各礦局購運炸藥行令先

行電部核覆再行飭關驗放札飭礦政調查局轉行

遵照文



日本兵庫縣播州舞子鐵道圖


轉危為安

廈門學堂教員因患血薄氣衰漸致心力身力俱虧韋廉士大醫生紅色補丸而得病體全愈強健逾恒黃君福山廈門中西書院英文教員也數年前身瘦面白軟弱無力愁苦不堪今則心廣體胖竟成爲一康樂之新人矣本局代表嘗至廈門鼓浪嶼烏埭角黃君府第探訪之得聆其自述之言如左云○余現年三十四歲嘗於三年前爲血薄氣衰所困自思如甘輒弱明知病人膏肓恐將終爲衰殘中之犧牲矣常覺神思困倦諸事懈怠稍用心力身力便覺窘迫異常身居教習不能閱書偶一閱之頭痛難忍常在行路時忽然昏暈嘔吐呼吸艱難屢有傾

廈門黃福山患血薄氣衰身心虧弱爲韋廉士大醫生紅色補丸所治



乃真韋廉士大醫生紅色補丸也



認明丸藥眞樣以魚目混珠

跌之虞心思殊甚惜僥倖與床幾無血色雖承醫士與服多藥而病體依然如故抱此沉疴愁苦萬分親友皆爲憂心適有聞知韋廉士大醫生紅色補丸爲醫治血薄氣衰之良方來相告者余思己身正患是疾爰立意嘗試之以觀其效僅服一瓶大有轉機恒心久服身日強健無倦容唇與牙床皆回康健之紅色頭痛頭暈亦不復發今則氣血充盈全體復原身力較之未病以前更形強健余若不將韋廉士大醫生紅色補丸之奇功表揚之則誠爲忘恩負義之人矣用特作此證書報牘深望世之同病者亦如余之獲益焉近來天下各處因血乏之故以致身體衰殘者不知凡幾皆紛紛購服韋廉士大醫生紅色補丸者長鮮紅稠濃之新血以供給枯渴受餓之血管之奇功也己曾醫治無數男女所患血薄氣衰身體虧弱等症以及陽萎不舉胃化不消

肝經失調 山林瘴氣 背骨疼痛 乾溼癬癩 瘡疥疔疹 皮膚諸症 風溼骨痛 腎軌痠痛 筋系刺痛 跳舞風病 左癱右瘓 醫治婦科各症更爲神速誠爲補劑中有獨無偶之聖藥也天下各處大藥房均有出售但須認明眞正韋廉士大醫生紅色補丸庶不致誤因假冒影戲者甚衆服之非徒無益而反有害倘有疑惑可直向上海四川路第八十四號福利公司隔壁韋廉士大醫生藥局總發行所或向四川重慶白象街分局函購可也價銀每一瓶大洋一元五角每六瓶大洋八元遠近郵費一律不取

上海四川路第八十四號韋廉士大醫生藥局啓

北洋官報

第二千三百五十九冊

告白

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之紅磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參威等處均設有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅顧繡蟒洋貨布疋各色喇哩厚呢京廣什貨俱全貨高價廉劃一不二後廳內專售綵貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡箱 靈鋼料器磁器 奇巧美術玩器 學界文房用品 旋行携帶等件 精工變身物料 定織各色席氈 現又擴充棧房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

天津商務印書館廣告

歲逢庚戌萬象更新本館特製月份牌一種文雅富麗兼擅其勝專備
 購書
 諸君贈品以助雅興凡購本館書籍圖畫
 滿現洋二元者謹贈月
 份牌一張滿四元者二張
 餘可類推不滿二元者不贈訂定正月初十日贈起
 至二月初十日止
 如期內業已送完則當改贈他書臨時再行佈告

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附郵票購書章程凡值信局郵局不能匯兌款項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

敬書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附郵票購書章程凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

北洋師範學堂招考自費生廣告

本堂專修科畢業明歲添設優級完全科初級師範補習科招收官費各生均經分別詳咨

督憲提學司通飭各屬并分咨山東山西河南東三省選送在案惟津地五方聚處外省人士志在嚮學者頗不乏人茲特查照舊章每科招攷自費生十名如有志入學者應即遵照後開條例來堂報名聽候定期考試勿誤為要

一分科(甲)優級完全科(乙)初級師範補習科 **一資格**不拘籍貫(甲)科中學堂及初級師範完全科畢業者(乙)科初級簡易二年以上畢業報司有案者

一獎勵與官費生一律無異 **一報名**自宣統元年十二月二十日起至宣統二年正月二十日止親到本堂呈驗文憑備具像片填寫履歷

一考試(甲)科按照中學堂及初級師範課程考試(乙)科按照初級師範簡易科二年課程考試錄取後應即取具安實保人保證書備案

一學膳費全年九十六元每年分正月七月兩次繳納書籍操衣均自備 **一地址**天津河北新開河

北洋師範學堂添設優級完全科廣告

本學堂添招優級完全科學生當經咨請 提學司通飭各屬文送在案諸生如有志入學者務即於定期以內呈請各該地方官備文申送幸勿自誤茲擬定條例如左

一學額百二十名 **一學科**按照部章辦理 **一資格**曾在中學堂及初級師範完全科畢業

一獎勵俟畢業後查照定章請獎 **一報名**自宣統元年十二月二十日起至宣統二年正月二十日止

親到本堂投文呈驗憑照并各具像片一張填寫履歷聽候定期考試

各科功課程度分科考驗錄取後應繳呈保證全十元俟畢業後發還

一考試按照初級完全科及中學堂 **一學膳費**官費 **一書籍**摻

衣自備 **一地址**天津河北新開河

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧願加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

北洋師範學堂招考新生

本堂招考初級師範補習科音樂體操講習科學生現展限至本月二十九日截止初一日考試音樂體操科初三日考試初級師範講習科如有志入學者務即於展限內携帶文憑像片來堂報名填寫履歷其已報名諸生有未呈繳像片及文憑者迅於考試期前補送毋誤此布

定期考試廣告

北洋灤州官礦公司開收第二期股本廣告

啓者本公司原招股本係分兩期核收分填天字地字兩項股票茲特定期將地字股本收足自本年正月十五日起望持天字股票為憑以便驗票收款天津本埠以三個月為限交法界五號路十四號門牌本公司總理處其外埠較遠以五個月為限仍交各處天津分銀號均先發執照一個月後換取地字股票如逾限不交當查照本公司招股章程第十七條辦理合先登明此啓

順直納稅多額者公鑒

敬啓者資政院選舉納稅多額議員現經督憲電請資政院展限一月以二月初六日起至二月二十五日止為宣示互選人名日期以三月初一日為舉行互選之期刻由督憲派定互選管理員辦理調查資格事宜假天津商務總會為辦公之所凡順直合格富紳即請於二月初六日前親到天津商務總會互選管理員辦公處填明資格以便彙呈憲儘選互選人二十人俾得如期宣示祈合格富紳幸勿自誤可也

互選管理員謹啓